

民國丙寅孟夏刊印
英師

陝西興程攷

邵陽
馬渥天編輯

序

坤輿之有道里猶日月經天循軌度而不紊江河緯地趨下流而不濫其旁出支路又如列宿懸於七政百川納於四瀆脈絡疏通等乎康衢自跬步而千萬里越重山登峻嶺浮江河泛海洋出此入彼計日抵止此輿程之所由始也陝境僻處西陲雖非若豫鄂衝衢然多係往日名塗茲舉其尤著者約略言之出桃林則向汴洛走武關即入襄樊越隴坻而達隴右度棧道轉道巴蜀以及蒲坂米倉諸路黨駱子午褒斜諸谷皆係前代出入秦中必由之孔道按之史冊歷歷可證今是編特就舊日驛站中略者詳之缺者補之道里遠近自可逐漸

而知計興程共三十二段外附榆塞邊防一段三秦軌
道大概如是後有進於此者予將延頸望之矣
民國十五年歲次丙寅孟夏

古莘馬渥天紱於西安印刷局旅次

陝西輿程考例言

一是書道里多採取縣志及地理諸書間有質諸友朋搜羅見聞彙集成帙至於地形險阻城郭遠近道途阻狹津梁扼要隨所至即錄以備行旅者周知其要害

一陝境輿程若干段落特就往來孔道略爲登載若瑣瑣山谷微蹊徑不通車騎豈隻筆所能盡述閱者諒之

一是書不惟專記道里便於行旅即歷代兵家出入史學考證體縷剖析互相發明則古人之聲實奇正自可窺其梗概

一是書每段地名附有注解者正又旁則用||有片語隨解正文及支路旁出者則用()俾眉目清醒以便閱者易於檢查

陝西輿程考目次

自省東出潼關道抵河南接山西

自省東北走同州出蒲坂道抵山西蓮城

自同州東北出龍門抵山西絳州

自三原東北抵禹門

自同州西北走洛川

自同州西走三原乾縣抵岐山接咸陽

自省東北走渭橋抵富平

自省西北走乾州抵甘肅平涼

自省西走鳳翔逾隴抵甘肅天水

自省西循渭水抵隴縣

自鳳翔西南進棧道走漢中出米倉抵四川又出陳倉溝至

沔縣

自郿縣西南出褒斜道抵漢中

自省南出子午道走興安抵漢中

自漢中西傍沔水出金牛道抵四川

自漢中西走略陽抵甘肅鞏昌

自整屋西南出黨駱道渡漢江抵四川

自整屋南淮黑水田谷走寧陝

自省東南進大峪庫峪走鎮安抵洵陽接興安

自省東南走山陽抵湖北鄭西

自省東南出藍關武關抵湖北襄樊

自藍田東走渭南維南又南由輞谷走鎮安

自潼關南進太峪又西南走商維抵漢中

自漢中東走興安抵湖北南接四川陸路

自漢中東走興安抵湖北水路

自省北走三原邠州延安出榆谿塞抵河套

自延安東南走宜川韓城

自延安西北走安塞靖邊至寧條梁

自榆林東北抵山西河曲

自榆林西走甘肅寧夏

自鄜州西走甘肅慶陽

自三原西北走甘肅正寧

自邠州西北走慶陽抵寧夏

附榆林邊防

陝西輿程考全卷

郃陽馬渥天編輯



自省東出潼關道抵河南接山西

出省城東門十里至十里舖下坡行一里至澹橋九里至灊橋五里至豁口五里至邵平店十里至斜口鎮十五里至臨潼縣二十里至新豐鎮（一路自斜口東北行經解家庄杏車橋共二十里至新豐可近五里）十里至戲河街十里至零口鎮十五里至盛店鎮十五里至量天坡下坡一里即大鍋寺又十里至渭南縣二十里至赤水鎮二十里至石橋舖十里至華縣十五里至羅紋鎮十里至柳子鎮十五里至敷水鎮三十里至華陰縣三里至嶽廟鎮（俗名華嶽廟）五里至陽化舖（東北行十五里至三河口鎮渡渭河十三里至倉頭十里渡洛河至趙渡鎮十五里至朝邑縣

（一）東行十里至泉店十里至吊橋十里至潼關縣五里至金陡關十五里至閼底鎮二十里至盤豆鎮二十里至河南閼鄉縣自潼關北渡河即風陵渡又北行六十里至山西永濟縣自潼關南行十里至禁谷亦曰禁溝又曰小關舊設十二連城以防秦嶺諸谷今已頽廢論者謂守關必兼守禁溝以黃巢李自成張總愚陷關均由於此云

（注）十里鋪踞高臨下易於設伏清同治五年捻匪敗清兵於此臨潼縣春秋時驪戎國其東南里許即驪山下有溫泉不火而熱赤水鎮居華渭二縣之間因赤水而名街市約長二里華縣故華州治周初鄭國北至同州八十里華陰縣爲潼關肘腋陝境咽喉北至同州六十里潼關乃五省衝衢三秦門戶爲歷代守禦重地風陵亦作封陵即女媧氏之墓水經注潼關直北隔河有崇阜巍然獨秀世謂之風陵戴延之所謂風塹是也

自省東北走同州出蒲坂道抵山西運城

出省城東門四十里至斜口鎮三十里至新豐鎮二十里至零口鎮東北行二十里至黃屯鎮二十里至上漲渡過渭河即上漲鎮二十里至巴邑鎮十里至詹家村十五里至交斜鎮十里至來化鎮經沙苑之北十五里至潘驛鋪十里至王店十里至八女井十里至背坡店子三里渡洛河至楊家河又東北行七里至大荔縣東行三十五里至朝邑縣折而南行十里至新市鎮又二里過黃河至大慶關渡復東北行二十八里至大慶關又東行經黃河故道五里至永濟縣六十里至虞鄉縣四十里至解縣又東北四十里至運城

(注)上漲渡在渭南縣北十里爲往來要津 沙苑俗稱沙窩唐爲牧馬地在大荔縣南十二里朝邑縣西南七里洛渭之間東至洛水西側西抵渭南老義廣七十三里表十五里梁大同二年西魏宇文泰敗東魏高歡兵于沙苑即此 大

勃縣故同州府治春秋時大荔戎地東扼蒲坂南控蒲關爲秦中襟要之區朝邑縣襟帶河洛爲秦晉通津要道大慶關舊名蒲津關亦曰臨晉關又曰蒲坂關在朝邑縣東三十里黃河東岸即秦孟明濟河焚舟處永濟縣即蒲州府治古之蒲坂也虞舜都此運城卽路村在安邑縣西二十里其地產鹽今河東道駐此

自同州東北出龍門抵山西絳州

大荔縣東北行二十里至廝羅鋪二十里至雙泉鎮上許原共五里至平羅鋪十里至南煉子十里至寺前鎮十五里至露井鎮十里至吳莊店經乳羅山西麓共五里至馬村茶房十五里至渠西窰店下坡過金水溝復上坡共五里至南莊頭村西又五里至邵陽縣二十里至賀家凸下坡五里至官道河上坡五里至同家莊十里至百良鎮又行二里至溝口下坡過太棗溝水復上坡共八

里至太棗村十里至馬陵莊十里下司馬坡過芝水至芝川鎮五里至八仙鎮（俗名灘子）十五里至韓城縣出北門上柿谷坡二十里至郭家橋過溝共五里至西莊鎮經盤水鬱水共三十里至橋南村五里至禹門口（俗名西口頭）渡河即東禹門口（俗名東口頭）入山西界三十里至河津縣五十里至稷山縣五十里至新絳縣（即絳州）

（注）雙泉鎮俗名苦泉在朝邑縣西北四十里許原即鐵鑛山一名商原亦曰商顏又名長虹嶺乃土原也在大荔縣北二十五里朝邑縣北四十里東至金水溝西抵洛水橫亘八十餘里高數十丈坡長二里許寺前鎮俗名寺頭鎮在澄城縣東南四十五里金水溝即刳首川巖谷深邃路極險峻南北坡長五里行者以爲艱下游即刳崙素多荏苒前代爲駐守要地合陽縣在商時爲有莘氏國巨壑縱橫路多曲折官道河村名渭北沿水居民多以河名其南即徐水也溝道險阻其於金水南北坡長六里太崋溝水又名百良水溝渠深廣亦巖壑

也 司馬坡長一里距芝川鎮約半里旁有漢太史司馬遷廟後又有墓因名芝川鎮即戰國時魏之少梁地秦置夏陽縣爲韓城首鎮 韓城縣周初韓國地春秋時秦晉戰于韓原是在也

鄭氏曉曰黃河自蒲州北至龍門兩岸平廣有渡者百餘里余按今黃河自龍門而下至潼關津渡凡九曰禹門口芝川榆林茶峪夏陽廉莊雷村大慶關潼關南北相去幾三百里皆爲秦晉出奇之要道而禹門口芝川夏陽大慶關潼關尤爲切要云

〔注〕禹門口一名龍門渡在韓城縣東北六十里龍門山下即壺口山下口也與河津之龍門東西對峙體分而勢合大河自壺口山上口南至下口盤東於山峽間者凡一百六十里兩岸石壁峭立河道頗狹寬不及一里水勢湍急魚鼈不能游船往如箭倏忽可渡唐初太宗取關中定太原均出於此良以龍門爲秦晉險道可入腹地故也大河至此山盡岸闊豁然奔放怒氣噴風聲如萬雷舟行最險

冬令嚴寒則有冰橋可通行 按壺口山在宜川縣東九十里山西吉州西六十里大寧縣西南八十里爲黃河巨扼秦晉要害之區 芝川在韓城縣南二十里志謂之少梁渡東渡河即山西榮河縣北十里之廟前渡東漢建武初鄆禹入關討赤眉由汾陰入夏陽即此汾陰今榮河縣 榆林在郃陽縣東北五十里北至芝川二十五里 茶峪在郃陽縣正東少北四十五里北至榆林十里 夏陽一名黑浮渡在郃陽縣東四十里北至茶峪三十里東渡河即吳王渡又東四十里至山西臨晉縣漢高祖二年韓信從夏陽以木罌渡軍襲魏安邑即此非韓城之夏陽 廉莊在郃陽縣東南五十里 雷村在朝邑縣東北六十里 大慶關渡在朝邑縣南十二里許其關則在縣東北三十里歷代秦晉豫有事多取道於此 潼關北至大慶關六十餘里

自三原東北抵禹門

三原縣東北行二里下坡過清河復上坡共三里至三里店十五里至西陽鎮十里至瓦窰頭上原十五里至都村過石川河十五

里至富平縣二十里至王寮鎮二十里至到賢鎮五里至莊子鎮
二里至武店八里至蘇坊鎮十五里至興市鎮十里下坡至湯泉
河上坡十五里至蒲城縣十里至溫家原十里下坡至寶內凹五
里至漢村上坡又五里至孫家莊鎮十五里至石羊坡頭下坡二
里渡洛河又上坡五里至永豐鎮東北行十五里至楊家嶺十五
里至交道鎮二十里至澄城縣東行十里至柳池村下坡五里至
李家河上坡五里至王村十里至蔡莊三里至渠西窯店過金水
溝共十里至邵陽縣與自同州走禹門路合 一路自永豐鎮東
行三里上坡又七里至臨臯村東北十里至酥酪村五里至醴醐
鎮（在澄城縣東南二十里東至寺頭鎮十五里）東北行十里下
坡至西觀裏十里至北党十里至露井鎮十里至吳莊鋪十五里
至渠西窯店與上路合 一路自醴醐東北行十五里至西馬村

五里至劉家莊五里至塗店十里至秦城十里至和家莊五里至長四五里至賀塢又二里至渠西窑店與上路合

(注)三原縣爲長安肩背關中樞紐商旅綽綽渭北衝衢故朱全忠劉典輩恒屯於此以便調度控制北方胡氏謂攻守之勢地有所必爭信然 石川河即禹貢漆沮水中多石因名 興市鎮俗名京紙房其地產紙銷售頗廣街市東西長二里爲蒲城首鎮往來要道 洛河發源定邊白於山東南至朝邑趙渡鎮入河此北洛也

自同州西北走洛川

大荔縣十五里至雷甫舖十五里至船舍鎮渡洛河十五里至龍陽鎮十里至漢底舖十五里至陳莊十五里至蒲城縣(一路自龍陽西北行十五里至高閣鎮二十里至蒲城縣)北行十五里至陶池鎮二十里至罕井鎮十里下坡至南河鎮(舊名臨川)上

坡五里至白水縣二十里至雷衝鎮渡洛河十里至和蘇鎮二十
五里至彭衙五里至黃龍山鎮三十五里至百益鎮二十里至土
基鎮二十里至石泉鎮（一名興平）五十里至洛川縣 自白水
縣東行三十里至西顧鎮十五里下坡至三眼橋上坡十里至鎮
子頭三十里下坡至縣西河復上坡（長二里）即澄城縣 自白
水縣西北行四十里至新窰鎮十里至收水鎮五里至暗門山又
一百里至宜君縣

（注）彭衙即漢衙縣在白水縣東北五十五里黃龍山下春秋時秦晉戰于彭衙
即此 黃龍山即黃崖山盤衍如龍土皆黃色故名跨澄城白水洛川三縣界高
五里許峻嶺深谷素爲萑苻藪明崇禎十一年孫傳庭破流賊于此至清同治六
年回匪自甘肅傍北山東犯韓鄜澄朝諸縣皆以黃龍山爲巢穴蓋其地北通鄜
延環慶南達同華匪氣易於出沒誠關中要害之區 三眼橋近人以石梁成跨
洛水上行旅便之 暗門山即秦山四面峯廻巒接路極險隘爲宜白咽喉

○自同州西走三原乾縣抵岐山接咸陽

出大荔縣西門十五里至同堤村渡洛河十里至羌白鎮二十里至官路鎮二十里至蘭家店鎮十五里至下邽鎮二十里至關山鎮十里至康橋鎮出西門折而南渡石川河復西行十五里至閿良鎮三十里至大程鎮三里下坡過許渠橋（跨渭河上）復上坡行三十七里至三原縣三十里至涇陽縣三十里渡涇河至臨涇鎮上坡二十里至阡東鎮二十里至西張堡二十里至醴泉縣二十里至楊家莊二十里至乾縣三十里至臨平鎮二十里至菊村二十五里至法門寺（即崇正鎮在扶風縣東北二十里）十里至青華鎮十五里至岐山之益店鎮與自省走鳳翔路合 自涇陽縣西南行十里渡涇河上坡至修石塋頭十里至南賀鎮三十里至咸陽縣與自省走乾縣路合

自省東北走渭橋抵富平

出省城北門折而東北行二十里渡霸河三十里至耿家集五里過渭河至渭橋渡十五里至高陵縣西北行四十里至三原縣自高陵縣東北行二十里至陂西鎮十五里過許渠橋至大程鎮三十五里至富平縣 自高陵縣東行三十里至櫟陽鎮（即漢櫟陽縣故址）東行一里至櫟陽橋跨清河上北至康橋鎮三十里又東二十里過石川河至相橋鎮十里至田市鎮十里至官道鎮十里至小石鎮十里至故市鎮二十里至交斜鎮與前自省走同州路合

（注）霸河即古之潞水秦穆公更名渭橋一名東渭橋即唐李晟屯兵處在高陵縣南十五里爲東北諸縣通長安之要津

自省西北走乾郊抵甘肅平涼

出省城西門十里至十里舖十里至三橋鎮二十里至灃河橋十里渡渭河至咸陽縣四十里至店張鎮十里至晏村二十里至醴泉縣十里至孝義村十七里至楊洪鎮十三里至乾縣 故乾州）上北原十里至陵前十里至陵後十里至陽峪鎮十里至安家宮十里至監軍鎮二十里至蒿店二十里至永壽縣十里至分水嶺二十里至底簪堡十里至太峪鎮上坡十里至田家二十里下坡至邠縣（故邠州）十里至水簾洞十里至大佛寺二十里至亭口鎮二十五里至冉店鎮過溝共二十里至長武縣二十五里至白楊舖又五里至窰店鎮入甘肅界二十里至瓦雲驛五十里至涇縣 故涇州三十里至王村堡五十里至白水驛七十里至平涼縣（故平涼府治）

（注）咸陽縣倚畢帶渭長安西門秦都於此南門外即西渭橋唐爲三橋之一

店張鎮川店張驛在興平縣東北三十里 乾縣爲秦地上游北門鎮鎭西北五十里至關頭鎮（即大橫關）又西六十里至麟遊縣 永壽縣古商國地周太王之郤也 冉店鎮在長武縣東二十里一統志云其地道路四達深溝巨壑中道僅容一車蓋亦險要之處 密店鎮在長武縣西三十里陝甘由此分界東屬長武西屬涇縣

自省西走鳳翔逾隴坻至甘肅天水

出省城西門五十里渡渭水至咸陽縣二十五里至馬跑泉堡二十五里至興平縣三十里至馬嵬鎮二十里至東扶風鎮（即長寧鎮）三十里至韓店（即貞元鎮）十五里至武功縣上坡十五里至新寨十五里至杏林鎮十五里至浪店十五里至扶風縣（西南至郿縣三十里）十里至新店二十里至益店鎮過麻葉溝龍尾溝硯瓦溝共三十里至岐山縣十里至尹家鋪十里至橫水

鎮十里至光密二十里至鳳翔縣十里至柿林十里至柳林鎮十里至半坡鋪十五里至五里坡下坡又五里至黃理鎮二十里至汧陽縣傍汧河西北行二十里至新興鋪二十里至草碧峪鎮五里至川口鋪十里至東涼十五里至杜陽鎮二十里至隴縣二十里至柳泉鋪五里至麻坊鋪（一作麻黃鋪）五里至曹家灣五里至流渠鋪十里至咸宜鋪（即咸宜關又名新關）十五里至焦家鋪五里至捉蛇鋪山行四十里至分水嶺（即關山）二十里出山至長寧驛十里至茶川鋪十里至盤龍鋪四十里至白沙鎮三十里至甘肅渭水縣四十里至草川鋪四十里至社棠鋪渡渭河行五十里復渡渭至天水縣（故秦州）一路自隴縣西北行六十里至固關鎮山行十里至關山四十里出山至馬鹿鎮又五里入清水縣界

(注)馬跑泉俗傳唐太宗獵此馬跑地泉湧出故名咸興二縣以此分界 馬嵬鎮一名馬嵬坡唐楊貴妃葬此 武功縣古之郿國也東北至乾縣七十里 龍尾溝在岐山縣東二十里其北即龍尾坡唐鄭畋破黃巢兵於此 鳳翔縣故鳳翔府治爲關中心營長安右臂東北至麟遊縣一百二十里 五里坡在鳳翔縣西四十里 汧陽縣東二十五里坡長五里因名宋建炎二年張巖追金人遇伏兵敗死處 隴縣故隴州治關山西塞汧河東注南環渭水北通蕭關爲秦中重地 關山即隴山又名小關山在隴縣西北六十里清水縣東北九十里山長八十里其頂即分水嶺巖嶂高深不通軌轍有大坂曰隴坻九回方達其頂東漢祭遵破王元兵于此 固關一作故關又曰隴關亦曰隴山關即古大震關也爲秦雍岐隘歷代關隴有事在所必爭

自省西循渭水抵隴縣

出省城西門十里至窑頭五里至北石橋(跨皇河上)十里至岳旂寨十五里至斗門鎮四里至澧河八里至蒼龍河又八里至大

王鎮 在鄠縣北二十五里二十里至潯店鎮（在鄠縣西北二十里）過潯河二十里至尚村鎮二十里至終南鎮二十里過黑水至紅花鋪十里至盤屋縣二十里至啞柏鎮十五里至清化十里至橫渠鎮（即宋儒張子故里）二十五里至槐芽鎮十五里至教坊十五里至鄠縣（古鄠塢也）十里至葫蘆口經五丈原之北二十里至高店鎮北渡渭河至蔡家坡鎮（北至岐山縣二十里）西行傍積石原南渭水之北二十里至陽平鎮三十里至虢縣鎮十里過汧河至底店鎮四十里至寶雞縣西北行四十里至縣頭鎮三十一里至新街鎮三十二里至八渡鎮三十里至隴縣

（注）五丈原在岐山縣東南五十里鄠縣西南二十五里棋盤山麓歸斜谷之口東臨斜水北帶渭河高平曠遠行軍者必爭之地蜀漢建興十二年諸葛武侯由斜谷伐魏屯此以爭北原魏人乘力拒之是也按北原即積石原在岐山縣南

十五里名曰南原因在渭水之北故又曰北原今俗謂之大原當雍州之間西至
 渭水東抵武功川口橫亘百餘里 號縣鎮周時西魏國地號叔封於此秦滅爲
 縣元省入寶雞北至鳳翔縣四十里

自鳳翔西南進棧道走漢中出米倉抵四川又出陳倉溝至
 汧縣

出鳳翔縣南門十里至指弧村二十里至連村堡二十里下坡過
 汧河至底店鎮三十三里至金陵店又七里至寶雞縣二里渡渭
 河十三里至益門鎮進棧道二十里至大散嶺五里至二里關十
 里至觀音堂十里至半坡鋪十里至煎茶坪嶺十里至凍河橋十
 里至江龍溝十里至石窩鋪十五里至黃牛鋪十里至北星（即
 清風關）十五里至紅花鋪十五里至草涼驛經閿王碕九子溝
 共十五里至武星鋪（即五星台）十五里至白家店十五里至石

門關十里至白石舖十五里至鳳縣出西門繞至城南上山十五里至煙洞溝五里至南天門（即鳳嶺高處）過此漸下十五里至心紅舖（又名觀音碛）十五里至三岔驛始出險就平十里至留鳳關（即廢邱關今由鳳縣西門取道南山灣踰鮮家溝下坡出四溝即留鳳關共五十五里比驛路可近數里又無大山阻隔避過鳳嶺心紅峽諸要險云）南行十里至南灣十里至驪馬橋六里至南星四里至陳倉溝口六里至石佛舖十里至榆林舖三里至包山灣三里至松林驛十一里至高橋舖一里至興隆街上山六里至連理亭二里至嶺巔塘下山七里至柴關嶺一里至廟臺子八里至棗木欄七里至桃園舖五里至五里舖五里至亂石舖十里至小留壩十里至留壩縣五里至大灘山行五里至畫眉關出山十里至青羊舖二里渡青羊河上山三里至新開嶺下山五

里至青龍寺上山二里至八里關下山五里至武關驛復上山二里至武關下山傍黑龍江南行十五里至焦崖舖十五里至武曲舖五里至虎頭關十里至馬道驛十五里至二十里舖二十五里至青橋驛十五里至褒姒舖二十里至將軍舖十里至鷄頭關出棧道五里至褒城縣渡黑龍江十五里至宗營鎮五里至沙堰舖十里至雙橋舖十里至南鄭縣西南行十里至上水渡過漢江四十里至協稅集四十里至黃官嶺經孤雲山大巴山共九十里至廟壩又經仙台山入四川界六十里至巴峪關一百里至南江縣一百六十里至巴中縣（故巴州）此即米倉道也 自陳倉溝西南行二十里至分水嶺入鳳縣境十五里至三道河十里至大石巖三十里至箭河壩十五里至閘口市五里至鐵爐川四十五里至火燒關二十里至二溝場十五里至土嶺子三十里至茅壩集

十五里至林口子（即古百丈關）出口十五里至九台子十里至高坪場四十里至敕堯壩二十里至秧田壩三十里至北棧閣二十里出山由四溝至汙縣

（注）寶鷄縣古陳倉縣地爲梁益北門長安右臂凡自漢中由棧道入關輔者寶鷄首當其衝實爲南北要害之區 益門鎮志云因益門山而名故益州境也俗名寶鷄口在寶鷄縣西南十五里由此而入即秦嶺北峪 棧道即閣道也一名陳倉道自大散以南亦稱北棧道重山深谷不易行走昔有架木爲梁而渡者謂之連雲棧後世壘山填谷古棧漸廢剝處可通今則輟運往還成爲蹊徑毫無險之虞此古今變遷之大者 二里關即古大散關在大散嶺上長亘二里因名石徑盤紆甚爲險峻當秦隴之會扼南北之交雍梁有事此所必爭按大散嶺俗名大王山其東即和尚原宋吳玠破金兵處 煎茶坪嶺志云即秦嶺也南走漢中北達汧隴 黃牛鋪即黃牛堡因黃牛寨山而名寶鳳由此分界宋嘉定十二年金人敗宋兵于此 鳳嶺在鳳縣南二十里登降凡五十里連峯排列如鳳舒

翼東接太白山各老林爲棧道最高險之處 陳倉溝口在留壩縣西北九十六里古陳倉道也即韓信所暗度處 柴四嶺在留壩縣北五十里層巒聳峻林木蔚然其最高處曰嶺巔塘即紫柏山之東峯棧道經其上兩面崇岡中通一綫磴路盤曲上下十餘里山溝細徑叢雜最爲要區又南則峒台子石留壩祠相傳子房辟穀處 畫眉關東西皆羊腸一線石磴紆迴亦天然險阻 武關即古武休關峙山巔爲路廣丈餘天然隘守在宋時爲防禦重地 鷄頭關爲棧道出入之門戶明崇禎七年流賊破鳳縣向渾中官軍斷棧道守鷄頭關賊不得前乃由間道犯城固洋縣 南鄭縣故漢中府治爲四省咽喉陝南重鎮 大巴山即巴嶺綿亘深遠高聳千尋中包孤雲兩角米倉（即仙台山賈耽曰興元之南路通巴州中有孤雲米倉諸山行者必三日始達於巔王子韶所謂孤雲兩角去天一握也其險且遠如此 鐵爐川在鳳縣南二百里當黑河之頭兩岸老林亘延深遠素爲寇疇會萃之地前代設有營汛以資防守

白鄠縣西南出褒斜道抵漢中

郿縣西南行二十里至齊家鎮十里至斜谷關山行四十里至鸛哥嘴三十里至桃川二十里至杜家莊十五里至魏川四十五里至官山子西行三里至進口關十里至白蟒寺十里至平木（一作平墓）二十里至車到河之嶺 桃壩十里至唐溝門十五里至安河寺十里至關山關五里至河口十五里至國安寺（一作鶴崖寺）十里至馬鞍山十五里至蒿坪堡十五里至鳳縣 自官山子西南行十里至上白雲五里至下留雲二十里至古鎮街二十五里至高松樹十五里至寇家關三十里至王家壩三十里至柘梨園二十里至草地溝十里過太白河至西江口十五里至江西營十五里至柳川溝二十里至孔雀台十里至碾槽溝二十里至留壩縣（其自西江口抵留壩大路則西行十二里至西河口三十里至玉皇廟三十里至桃園鋪與驛路合） 自西江口南

行二十里至鐵礦溝十五里至漆樹溝二十里至上南河二十里至沙嶺子二十里渡紫金河至八里關與自鳳翔走漢中路合自沙嶺子東南行二十里至桅杆石（即桅杆嶺）六十里至小河口三十里至雙溪三十里至石堰坪三十里至鷄冠梁二十里至許家廟又平程三十里至城固縣（即漢樂城）

（注）斜谷關在郿縣西南三十里斜谷口前代爲駐防重地以扼雍梁咽喉入谷兩崖高峻一水北流昔人穴山架木而行名曰連雲棧年久漸失舊址然山路險窄只通人行經桃川號川官山子西江口八里關鷄頭關以至褒城謂之褒斜道方輿紀要南口曰褒在褒城縣北十里北口曰斜在郿縣西南三十里谷長四百七十里以今道里計長五百四十里蜀漢建興十二年武侯伐魏出斜谷屯兵渭上即此 桃川在岐山縣南一百五十里與山之陰石樓山之陽即古斜谷也南北三里許西自寶雞號川界東至斜谷口凡四十里 西江口在留壩縣東北九十里紅崖太白二水合流之處歧路尤多防範宜嚴 桅杆石在留壩縣東南一

百四十里志云通城固小河口爲古樂城出斜谷必由之路山勢陡峻徑路崎嶇計陟降險程三十里行人吁噫

按古棧道遺跡多在鳳兩徽略間自唐宋以來名曰故道未知何時改由褒留也今考索舊址由鳳縣循故道河西行三十里至方石舖十里至草店子五里至馬嶺關十里至涼水泉五里至單河舖二十五里至兩當縣九十里至徽縣折而南五十五里至大石碑入略陽境十五里渡白水江至白水江集五里至小八渡山十里至麻柳塘十里至大八渡山之大橫渠二十五里至鐵廠子十二里至黑樓房十里至溝林驛十里至紅花寺二十三里至吳家營十五里至略陽縣路皆險峻難行計程四百里較繞道褒沔可近二百餘里昔郭崇韜王全斌輩先後入劍南皆取道於此至元明猶未改塗豈非故道居上游之勢兼

水陸之便東出漢沔則梁洋震動南下嘉陵則巴蜀失足隙道
四出運輸利便使之然也留心時事者何可輕哉 又按自白
水江集登舟順流而下一百四十里至略陽縣經灘五十一處
又南一百五十五里至陽平關經灘四十一處又南二百八十
三里入蜀境過朝天關至四川廣元縣經灘五十二處計自白
水江至廣元水程五百七十八里有灘一百四十四處清初用
兵巴蜀軍精多從此轉輸蓋亦運道所繫

(注)方石鋪爲四達之區左走岐寶右抵南徽南通漢中北達天水亦要地也
大八渡山在略陽縣北七十里壁立陡險林溪交萃中開一線之路山陽曰壘洞
溝山陰曰大橫渠僅容一騎盤旋而上南巔至北巔中通石梁一二里東西巨壑
幽崖深幾千仞要害之區以此爲首

自省南出子午道走興安抵漢中

出省城南門十里至北三門口三十里至黃良鎮十里至子午鎮
又經南杜角共七里進子午峪口山行三十里至葦子坪二十里
至關什三十里至秦嶺二十里至夾嶺二十五里至沙溝二十里
至高關塘二十里至苦竹溝三十里至東江口 南行經太陽溝
月河梁九龍寨營盤街太山廟三官廟至漢陰縣共四百餘里又
東行一百六十里至安康縣 西南行十里至白神廟三十里至
徐家梁三十里至鷄公梁三十里至洵陽壩二十里至油磨二十
里至文公廟二十里至蓮花石二十里至火地塘二十里至要嶺
關二十里至豹子溝二十里至寧陝縣十五里至關口街（故寧
陝治南行五十里至火帝嶺三十里銀杏壩十里銅阡峽五十里
至石泉縣）西行三十里至湯坪河二十里至青草關十里至棧
龍壩四十里至兩河口渡河上扇子坡共三十里至水田坪七十

里至金水河街三十里至西水河街二十里至槐樹關二十里至杜村埧三十里至洋縣二十里至遠門觀二十里至龐家店十里至城固縣四十五里至新鋪二十五里至南鄭縣

（注）子午谷在長安縣正南偏西五十七里岡巒綿亘路通一線由此而入直達興漢方輿紀要南口曰午在洋縣東一百六十里北口曰子在長安縣南六十里谷長六百六十里或曰即古鍾中也爲歷代兵家出入間道關什即古之子午關又名石羊關爲南山咽喉地甚扼要秦嶺即終南山一名中南又名地肺關中指此爲南山漢中指此爲北山總謂之秦嶺橫亘關中南面西起秦隴東徹藍田凡鳳翔岐山郿鄠以及長安之東相去且八百里而連綿峙據其南者皆此一山也禹貢所謂終南即此顧亭林曰終南山不獨爲秦國之界亦中國南北之界也凡水在嶺南者南行通名曰江水在嶺北者北行通名曰河寧陝縣控扼子午爲漢北雄鎮青莖關在石泉縣西北一百二十里山環水抱石磴絕壁爲川陝諸路鎖鑰兩河口在石泉縣西北一百里毗連四縣綽綽重地

自漢中西傍汚水出金牛道抵四川

南鄭縣西行十里至吳家鋪渡黑龍江十里至龍江鋪十里至小柏鄉二十里至扭項鋪（東北至褒城縣三十里）西行十里至新街子十里渡黃沙河至黃沙驛二十里至舊州堡（即漢時沔陽故城）十里至菜園渡（即新添鋪）十里至沔縣十五里至土關（即古百牢關）十五里至下沮水鋪渡沮水十五里至嘉興鋪（即蔡壩）十五里至青羊驛十里至金堆鋪二十里至大安驛（宋置大安軍於此）十里至烈金壩二十里至寬川鋪入金牛峽十里至五丁關十五里至滴水鋪出峽十五里至浣石鋪十五里至寧羌縣西南行三十里至迴水河十里至牢固關十里至黃壩驛十五里至接官亭五里至七盤關入四川界十里至神宣驛（即諸葛武侯籌筆驛）五十里至朝天嶺八十里至四川廣元縣

自寧羗西行四十里至舒家壩五十里至陽平關西渡嘉陵江四十里至燕子碕四十里至安樂河十五里至鹽茶關十五里至廣平河西北行四十里至魚釜壩三十里至青木川交四川平武縣界西行二十里至柳樹壩三十里至金山寺交四川昭化縣界

(注)沔縣以南即古金牛道亦稱南棧道路通蜀隴漢中西門也 金牛峽一名五丁峽在寧羗縣東北四十五里自寬川至滴水隘道三十里其絕險處連峯疊嶂壁立數百仞中間一綫寬不過二丈石徑紆折僅容一人一騎爲蜀道之最險者顧亭林曰自金牛驛西行十餘里入五丁峽二十里東西相對峽本天成斷非人力所能與 七盤關在七盤嶺上後倚峻嶺前臨深澗爲川陝交界第一要隘志云自黃壩至此山陡水急夏秋驟雨尤覺可畏 陽平關在寧羗縣西北九十里東西僅二里南倚雞鳴山北帶嘉陵江西臨擊鼓山爲戍守重地 鹽茶關山徑紆羗峯圍繞扼秦之要路

自漢中西走略陽抵甘肅鞏昌

南鄭縣一百一十至沔縣西北行三十里至分水嶺十里至陳家嘴十里過上沮水至茶店子五里至王家營十五里至峽口驛二十里至煎茶舖十里至煎茶嶺五里至何家巖五里至毛壩塘五里至木瓜橋五里至晾馬臺十里至接官亭十里至蹇家壩十里至閣老嶺（即登雲鋪）七里至七里店十里至礪子壩三里過一百八渡河至略陽縣西渡嘉陵江十五里至橫現河十五里至宜口集三十里至魚池子十里至鄧子園十里至七里礪十里至木瓜園十里至窰坪寨二十里至大南峪十五里至七防關（即白馬關）西至武都縣二百里（西北行三十里過犀牛江（即西漢水）五里至譚家河五十里至小川子三十里至紙房鎮四十里至石峽關三十里至青羊峽五十里至西和縣二十里至石堡鎮

四十里至禮縣四十里至崖城鎮四十里至八角麻池四十里至四門寨四十里至寧遠縣四十五里至鴉兒峽口又四十五里至隴西縣（故鞏昌府）自宣口西北行十里至明水壩十里至兩河口十里至駱駝巷十里至高家壩十里至馬蹄灣十里至水溢溝十里至禪覺寺十里至大石峽十里至倒溝由十里至青泥河十里至馬家河交成縣界緣山阻澗險隘難行或云此亦古棧閣路自略陽東南行二十里至閣老嶺二十里至接官亭十里至臭草溝二十里至麻柳鋪二十里至廟壩又四十五里至寧羗之大安驛接自漢中走四川孔道

（注）略陽縣古白馬氏之東境道路險阻十里百折接甘通蜀漢中西門也一百八渡河在略陽縣東門外明初徐達自徽州南出一百八渡河拔略陽即此

自盤屋西南出黨駱道渡漢江抵四川

盤屋縣西南行二十七里至新口子山行經八里廟石門共四十里至青岡碕四十里至花家台又經半片街共二十里至瓦店子（一路自盤屋西南行三十里至西駱谷三十里至七里關十里至回昌嶺二十五里至茅草坪三十五里至瓦店子即駱谷與辛口分路處）西南行二十里至老君嶺經八斗河大蟒河共九十里至厚畛子七十里至寫溝經都督鎮（在佛坪縣西十五里）共七十里至黃草坪七十里至大坪七十里至華陽鎮三十里至牛嶺二十里至銀杏壩二十里至黑峽子二十里至羅司灘二十里至漢王山二十里至田家梁二十里至洋縣（在漢中東一百二十里）南渡漢江二十里至白土嶺二十里至劉家壩二十里至紅瓦鋪十里至桑園鋪三十里至古溪鋪（一名古園鋪）二十里至西鄉縣三十里至堰口二十里至辛家壩五十里至葛家河四

十里至楊家山四十里至拴馬嶺十五里至沙坡子十五里至七盤子十五里至撈旂河十五里至鎮巴縣十五里至小洋壩十五里至毛壩舖三十里至高脚碛三十里至漁渡壩三十里至元灘子三十里至滾龍坡十里至四川萬源縣北之栗樹溪 自都督鎮西行六十里至黃柏原六十里至二郎壩六十里經松坪子至平定關三十里至栗子壩十里至兩河口二十里至桑園壩二十五至小川子十里至西江口與前褒斜道合

（注）新口子即東路谷西至西路谷五里爲通漢南之要道清同治二年藍大順陷佛坪出新口破整屋即此 老君嶺即秦嶺也幽險崇隆石磴峻坡踣躑駘佛二縣境 華陽鎮在洋縣北一百五十里華陽山下元魏爲華陽縣後又置華陽關爲梁洋要地宋紹定四年蒙古兵自鳳州徑趨華陽屠洋州是也 漢王山即駱谷之南口在洋縣北四十里方輿紀要南口曰瀘在洋縣北三十里北口曰駱

在整屋縣西南一百二十里（此謂駱谷關非駱谷口其口則在整屋西南三十里）谷長四百二十里西鄉縣在漢中東南二百四十里江漢東繞巴山西時爲漢南險要之區鎮巴縣故定遠廳治當蜀鄂之衝爲省西南門戶滾龍坡山勢險峻路徑崎嶇爲秦蜀通衢

自整屋南進黑水田谷走寧陝

整屋縣南行二十五里至黑水峪口山行十里至仙游寺十五里至甘谷灣二十里至唐家場三十里至陡嘴子四十里至黃草坡十里至鐵索橋十里至雙岔河二十里至小王澗二十里至新店子二十里至虎狼坡二十五里至噴口石（南山要害）二十里秦嶺至文公廟二十里至十里河十五里至濫泥湖二十里至火地二十里至麻房子二十里至太山廟十五里至柴家關三十里至四畝地東南行九十里至寧陝縣計程四百九十五里路皆羊

賜崎嶇陡峻嘴子上下六十里直接霄漢尤爲險要云 一路自終南鎮南行二十里至田谷口山行十里至十老洞三十里至鐵爐岔十五里至金牛坪二十里至木子坪五十里至秦嶺四十里至菜子坪二十里至花石崖三十里至上水磨二十里至中水磨二十里至裏集溝口二十里至陰灣二十里至長坪三十里至黃官峪三十里至甘家碛二十里至金鷄山三十里至寧陝縣計程四百三十里路皆幽險

（注）黑水谷即芒谷有水曰黑河北流入渭清同治元年川匪郭刀刀自寧陝北

出黑水峪副將王佐臣敗之於此 柴家關在寧陝縣西北一百二十里即唐榮

紹山莊 四畝地連山疊巘崗巒起伏爲佛洋寧往來間道山內防禦要害之區

自省東南進大峪庫峪走鎮安抵洵陽接興安

出省城南門三十里至鮑坡村（出東門可近五里）二十五里至

引駕廻鎮（俗名尹家衛）十五里至大峪口二十五里至搶風鋪
二十里至板廟子三十里至秦嶺三十里至樓子石塘十里至小
山岔十五里至大山岔五里至營盤三十里至車家河二十里至
柞水縣（故孝義廳治）四里至石嘴子十六里至栗園鋪三十里
至小廟子三十里至雲蓋寺二十里至木瓜園二十里至鎮安縣
（一路自柞水東南行三十五里至石甕子三十里至徐家坪三
十里至鎮安縣）一路自引駕廻東南行三十里至庫谷口入山
八十里至庫谷嶺（即秦嶺）二十里至小嶺十八里至陰溝口十
八里至沙嶺二十里至閻王溝五十里至採玉腦二十里至黃金
店二十里至鳳凰嘴二十里至石灣鋪三十里至大坪十里至巖
屋河三十里至黃龍鋪三十里至攔馬河十五里至表德鋪十里
至舊寺五里至鎮安縣南行四十五里至上茅坪二十五里至青

銅關四十五里至下茅坪三十里至兩河關三十里至趙家灣四十里至大嶺二十里至乾溪鋪十五里至冷水河十里至柳林二十里至洵陽縣 自鎮安西南行一百二十里至王莽山又一百五十里至安康縣（即興安府）

（注大嶺一名大義谷在長安縣東南八十里山路峻峭較棧道尤險明崇禎八年賀人龍追奔流賊至大泥谷（即大義谷）賊棄馬登山轉由藍田奔盧氏清同治三年藍二順聞省城防兵極少自鎮安捲旗疾趨出大嶺口總兵彭基品擊却之蓋大嶺實南山出入要道關中當多事之秋防禦未可稍疏

自省東南走山陽抵湖北郢西

出省城東門東南行十五里至三兆鎮二十五里至鳴犢鎮十里至魏家寨四十里至石灰廠（在輞谷內）六十里至金銀川五十里至兩河四十五里至赤水峪三十五里至秦嶺三十里至黑山

口二十五里至韓家山三十里至桃源又八里至山陽縣南行一
里上南嶺三十里至土地嶺二十里至山槐街經七里峽十里至
松樹坪十里至清涼寺十里至上蓮花池街四十里至漫川關東
南十里至任嶺又一百一十里至湖北鄖西縣 自山陽縣東行
二十里至圈嶺舖十里至雙乳山十五里至高八店二十五里至
洛峪街十里至中村十里至銀花街三十里至竹林關又東一百
四十里至商南縣三十里至富水關又東十里入河南淅川縣界
（注）七里峽在山槐街南東西兩山壁立相向如揖不交合者僅數尺仰天如一
線非亭午不見日其中一溪南瀉水聲如雷 漫川關即古豐陽關在山陽縣東
南一百二十里接壤湖北前代爲駐防地 竹林關在山陽縣東一百二十里臨
丹水上志云即漢王陵起兵丹水應漢處

自省東南出藍關武關抵湖北襄樊

出省城東門十里至草店過瀧河十五里至水溝十里至毛家河灣過壩河共五里至新街鎮二十里至洩湖鎮二十里至藍田縣出南門渡壩河十里至坡底下上七盤坡共二十里至北渠鋪二十里至藍橋鎮三十里至新店子十五里至牧護關十五里至郭家店十五里至秦嶺十里至黑龍口一路自藍田縣東行五十里至劉谷口山行十五里至李家坪二十里至張家坪二十里至鐵樓子三十里至黑龍口山路崎嶇可遠牧護關之險一南行十里至大商原二十里至泥峪鋪十里至麻澗鋪二十里至梁家原二十里至商縣十里至梁家鋪二十里至張村十里至白楊店子十里至夜村二十里至棗花鋪十五里至商洛鎮十里至老君店十里至龍駒寨十里至資峪店二十里至桃花鋪二十里至鐵峪鋪十里至寺底鋪二十里至武關十里至四條嶺二十里至清油

河街十里至矢馬寨（即試馬街）十里至皂角舖十里至商南縣
二十里至三角池二十里至青山街二十里至小嶺觀（今名打
鼓洞）二十里至大嶺觀二十里至梳洗樓街二十里至荆紫關
一百二十里至河南淅川縣九十里至李官橋二十里至黨子口
三十里至小江口六十里至湖北光化縣經老河口九十里至柴
店岡九十里至樊城漢江南岸即襄陽縣 自龍駒寨登舟順流
而下八里至資峪口一百一十二里至竹林關十四里至雷家洞
八十三里至瓦房灘三十六里至徐家店八十七里至梳洗樓又
十四里入淅川縣界水中灘石林立每爲舟楫患故諺有莫奈何
下塞河之說然由舟轉輪勞費甚省是亦秦民利賴之大者故綴
於此

（注）藍田縣南面七盤北負繡嶺左峙玉山右環潯水閘中之咽喉也 七盤坡

一名七盤山在藍田縣南十里即古繞靈之險爲前代戍守重地 藍橋鎮即裴航得玉杵曰娶雲英尾生期女子抱柱而死之處 牧護關即古之藍田關亦曰

藍關在藍田縣東南九十五里商縣西北一百二十里後人牧畜其地轉訛爲模樹有南北二關明設秦嶺巡司適當要隘 商縣故商州治春秋時晉上洛邑

龍駒寨在商縣東南一百五里有東西二寨據鷄冠山俗傳項羽烏錐產此因名其地水趨襄漢陸入關輔南北輻輳一巨鎮也 武關即秦時之南關也在商縣東南一百八十五里少習山下（即武關山一名新開山）常官道設關北接高山南臨絕澗舊爲秦楚之襟要昔漢高祖桓溫檀道濟劉裕悉從此入所謂武關道也 四條嶺在商南縣西五十里武關東十五里自清油河入嶺至此登降凡四因名險巇陡峻不易行走論者謂武關乃陝西之門戶而四條嶺又爲武關之鎖鑰其形勝概可知矣 商南縣古商於之地爲南北咽喉諸路管轄 大嶺觀一名大嶺關即玉清宮在商南縣南八十里大嶺山下其峯高峻可以南望荆楚故名

按唐貞元七年刺史李西華患此路之險自藍田至河南內鄉開新道七百餘里
剏山取塗人不病涉謂之偏路至清乾隆十年巡撫陳弘謀燬盤山路由藍田至
商州二百餘里同者皆平商旅呼曰陳公路州東四十里地名銅佛爺懸崖一線
長五六里最險絕乾隆二十二年知州羅文思開鑿平坦行者稱快呼爲羅公路
迄今傳爲美談故特誌之

自藍田東走渭南雒南又南由輞谷走鎮安

藍田縣東行十五里至普化鎮十五里至屏風鎮東北行二十里
至墩子鎮又山行七十里至渭南縣 自屏風鎮東行五里至玉
山二十里至倒谷口山行十里至黃沙嶺三十五里至萬軍迴二
十里至大龍廟（係渭南縣境）二十里至麻家川三十里至董家
樓又九十里至雒南縣○自藍田縣南行十里至輞谷口山行三
十里至董家崖四十里至馮家印二十里至鐵鎖橋五里至葛牌

鎮二十五里至秦嶺口三十里至雞冠梁二十里至花紅溝三十里至馬家山又一百一十至鎮安縣 一路入輞谷口西南行二十里至石灰廠三十里至雷家川三十里至紅門寺三十里至板廠三十里至紅石溝二十里至曹家坪四十里至蔡御窰三十里至上孟里十里至兩岔河十里至胡家寨二十里至胡家嶺二十里至五峪溝四十里至王家坪又十里至鎮安縣

(注) 侯子鎮在鹽田東北五十里渭南西南七十里臨潼東南六十里毗連三縣當南山諸谷之口向爲駐防重地清同治五年捻匪由蒿岔峪沿秦嶺西竄鹽田之洩湖迫官軍不得前轉由侯子鎮趨渭南蓋兵家出奇之隙道也

自潼關南進太峪又西南走商維抵漢中

潼關南行二十里至太峪口山行十里至太峪嶺二十里至黑張鋪十里至谷梅關十里至巡檢司十里至石牆鎮二十里至石家

坡十五里至常水集十里至柴峪嶺二十里渡洛河至雒南縣十
里至柳林舖十里至藥子嶺十里至常水灣二十里至岔口舖十
里至板橋舖十里至黃沙嶺二十里至商縣十五里至南寬坪十
里至石底舖二十里至劉嶺十五里至上關坊十里至荀子坪二
十里至下關坊三十里至山陽縣西行三十里至色河舖三十里
至牛耳川二十里至九里坪二十里至殺虎嶺二十五里至戴家
舖二十五里至石龔舖二十五里至黃顏舖二十五里至草廟舖
二十五里至鎮安縣三十五里至典史溝（俗名翦子溝）二十五
里至藥王廟四十里至沙溝口五里至霸王灘二十里至盤陀山
十五里至余師溝二十里至楓香園四十里至樛王坪四十里至
立扎坪五十里至太山廟五十里至賈家營三十里至寧陝南之
關口街與前子午道合宋紹興二年金完顏杲欲取蜀攻拔商州

聲言由姜子關路入漢陰縣即此道也

(注)太峪口舊有太峪關屬河南鄧縣潼關之南此爲要隘盜關者每由於此
谷梅關即洪門堰在雒南縣東北八十五里宋紹興十年商州守邵隆破金兵
遂復商州處 雒南縣據伊洛上游通秦豫間道關中安危所係兵家必爭之地
劉嶺一名流嶺商縣之主山也 下關坊一名石門關即高礪山也在商縣南
八十里山陽縣北三十里礪石加門僅容一騎險塞可守 殺虎嶺印沙狐嶺在
山陽縣西九十里山高路險纔二三十餘里昔有勇士殺虎因名 太山廟在寧
陝縣東九十五里北通子午南達興安爲山內扼要之區 關口街即古五郎關
在寧陝縣南十五里亦要地也

余按雒南處四塞之區爲駐守重地右固長安之肘腋左厚潼
關之肩背而且地形利便東北出太峪至潼關一百四十五里
北出鑿幽至華陰一百七十里又踰青崗坪至華縣一百八十

里西北走冢嶺山至渭南二百里西出洪門河至省三百六十里東至河南盧氏幾三百里東南至商南縣二百七十里西南踰樂子嶺至商縣九十里隙道縱橫防禦未可稍疏又東南有三要鎮東趨伊洛南通武關亦要害之地也

注洛河在雒南縣北五里發源冢嶺山（即秦嶺也）東流入盧氏界此南洛也
三要鎮在雒南縣東南九十里據三要山南出青草河可通武關東出即盧氏之孔道北望陝靈皆有捷徑因名三要明設巡檢於此

自漢中東走興安抵湖北南接四川陸路

出漢中東門行七十里至城固縣五十里至洋縣十里至貫溪舖十里至龍亭舖三十里渡漢江至沙河舖十里至環珠台三十里至渭門鎮由白沙渡漢江四十里至子午鎮二十里至饒風關三十里至饒風街六十里至石泉縣三十里至馬嶺關二十里至池

河鋪二十里至高梁鋪十五里至平梁鋪十五里至漢陰縣十五里至雲門鋪十五里至澗池鋪二十里至蒲溪鋪十里至雙乳鋪十五里至越梅鋪二十里至恒口鎮十五里至新建鋪十五里至三渡鋪十五里至秦郊鋪十五里至長槍鋪十五里渡漢江至安康縣十五里至桑園鋪十五里至石梯渡十里至神灘廟十里至二郎鋪十里至青山鋪十五里至廟溝十五里至閭河口渡漢江十五里至劉店鋪十五里至洵陽縣十五里至高店鋪十五里至構園鋪十五里至小棕溪十五里至泥溝鋪二十里至大棕溪十五里至小關十五里至展元鋪十五里至蜀河鎮十五里至仙河關十里渡漢江至藍灘鋪十五里至史家坪十里至吳家渡十五里至冷水河二十里至月兒潭街三十里至麻虎溝三十里至白河縣又東行八里入湖北鄖縣界 自安康縣東南行十五里至

牛蹄嶺十五里至狗脊關十五里至馬鞍鋪二十里至舊縣二十里至白楊林十五里至女媧嶺二十五里至碾盤石二十里至平利縣（東行二十四里至關壩又五十里至湖北竹谿縣）東南行十五里至八里關二十里至八卦廟十五里至秋山十五里至曾家壩十里至琉璃壩三十里至白土嶺十四里至謝家灣二十三里至竹溪河十五里至鎮坪縣十九里至鴨兒池十三里至鷄心嶺交四川巫溪湖北竹溪二縣界

（注）饒風關在石泉縣西北九十里西鄉縣東北一百八十里饒風嶺上宋吳玠屯兵禦金人處安康縣故興安府治有新舊二城枕山帶江秦頭楚尾巴蜀後門陝豫險道也鷄心嶺在鎮坪縣東南三十二里山峻谷深爲川鄂陝三省要地伏莽出沒之所

自漢中東走興安抵湖北水路

南鄭縣南門外登舟順漢江而下三十里至新鋪三十里至司家鋪二十里至城固縣五十二里至洋縣六十里至沙河鋪四十里至王爺廟（俗稱廟上）折而南三十里至滑門鎮四十里至茶鎮十二里至新漁壩十里至繪溪河口三十里至石樓鋪二十里至石泉縣折而南三十五里至蓮花石街四十五里至梅湖鎮又東南七十里至木梓河街又五里至馬家營十里至漢王城經怯灘大刀灘石梁灘共六十五里至紫陽縣又經中宮灘長灘共二十里至中沙壩十里至洞河口十五里至大道河口（在嵐皋縣西北六十六里）十里至小道河口又曲折行四十四里至嵐河口五十二里至安康縣二十一里至石梯渡又經神灘二十六里至高壁洋三十里至閬河口三十里至洵陽縣四十五里至小棕溪三十五里至大棕溪十五里至小關鋪五十里至蜀河口十五

里至仙河口二十里至藍灘十九里至吳家渡四十二里至冷水河街二十一里至月兒潭街二十五里至麻虎溝三十五里至河街一在白河縣北二里一五里至白石灘渡又東二百七十五里至湖北鄖縣 自紫陽縣登陸東北行三十里至蒿坪河四十里至流水店十五里至鳳凰舖十五里至賀家壩又六十里至安康縣 自紫陽縣渡漢江西南行三十里至瓦房溝四十里至權河塘三十里至辛灘三十里至大壩塘二十里至毛壩關二十五里至烟墩塘三十里至麻柳壩二十里至紫溪河五十里至皮貨舖交四川太平縣界山高澗深礮路蟠折上下極難行走

(注)梅湖鎮即古魏寧城設有釐卡雨水環繞爲要扼地 怯灘在紫陽縣西十五里其東七里即大刀灘兩岸夾石左右有兩石嘴頗礙舟行 藍灘在洵陽縣東一百七十里亂石怒濤恒爲舟楫患

按漢水自沮口而下至城固三百里間淺灘礮礮冬春水落架木橋者凡數十處霜降造橋立夏後拆之或至揭裳而涉自洋縣至湖北均縣石灘百餘頗礙舟行自均縣至沙洋多有跑沙舟行最險云

自省北走三原鄜州延安出榆谿塞抵河套

出省城北門五里至三陵坡五里至十里舖十五里至杜家堡五里至草灘鎮十里過渭河至馬神廟渡又行二里上原（即咸陽原）又行五里復下原渡涇河又三里至涇陽塔底十里至永樂鎮（在涇陽縣東二十里高陵縣西三十里）二十里至三原縣五里過清河至三里店十五里至樓底鎮上原（坡長五里）二十五里至陵前鎮十里下坡至趙氏河上坡十里至覓子鎮十五里至橫水舖五里至岔口五里過沮水至耀縣（西北行四十里至柳林鎮三十里至廟灣鎮五十里至馬欄鎮西接甘肅正寧縣界）

東北行三十里至黃堡鎮三十里至同官縣三十里至金鎖關三十里至烈泉鎮（一名哭泉鎮）三十里至宜君縣三十里至偏橋鎮二十三里至土橋子十七里至中部縣（城在橋山南麓）十五里至狄家川十五里至安子頭十里下溝渡洛河至交口鎮上原三十里至洛川縣（東北至宜川縣二百二十里東至韓城縣三百二十里東南至澄城縣二百里）北行三十里下溝上原復下溝至街子河二十里上原至交道鎮二十里至茶房村（在郿縣城東北五里）傍洛行二十里至榆林橋十五里至黃甫鎮二十里至道左埠四十里至甘泉縣二十五里至大勞山二十里至野豬峽十五里至三十里舖二十五里至少陵川五里至虢縣傍延水三十里至安家坪二十里至窰店子十五里至譚家灣又五里至千谷（在延長縣西七十里）十五里至唐家坪十里至伐謀

關十里至蒿岔峪舖三十里至文安驛十里至馬家溝二十里至拐崙塘（在延川縣北二里許）十五里至賀家灣十五里至營田堡二十里至十里舖十里至清澗縣二十里至二十里舖二十里至駝駱舖十里上九里山（路峻長）下山二十里至石嘴驛二十里至王家堡二十里至田莊鎮二十五里上山至一步崖下山（路極險）十五里至綏德縣（東行四十里至義合鎮四十里至達連坡二十里至楊家店二十里至吳堡縣）北行四十里傍無定河至四十里舖二十里至明幌舖二十里至米脂縣二十里至萬佛洞十五里至鎮川堡十里至碎金堡二十里至下鹽灣三十里至峁兒上二十里至魚河堡二十里至許家巖十里至米家園十里至歸德堡二十里過河至三岔灣（在沙磧最高處）二十里至榆林縣又北十里至紅山又五里出邊牆入河套地 自米脂縣

東北行三十五里至馬家堡四十五里至烏龍舖五十里至葭縣
四十三里至通秦砦一百里至高家堡又一百里至神木縣

〔注〕三陸坡俗名三韻坡明初徐達自鹿臺渡渭入長安父老迎降於此谷口

在富平縣西北五十五里耀縣東南五里兩峯對峙一水中流爲控扼要地馬

欄鎮在宜君縣西一百二十里路通甘肅爲前代駐防地金鎖關在同官縣北

三十里神水峽內石山峻削路極險窄西北可通甘肅寧夏宋建炎二年虜延經

略王庶遣將屯神水峽斷金人歸路即此野豬峽即亞支山古戍山峽險窄爲

歷代戍守重地少陵川一名杜甫川即三分河也虜施縣故延安府治五路

咽喉陝北保障在古爲河西上郡之地伐謀關又名鐵門關在延川縣西七十

餘里禪梯嶺上路通一線生成天險爲延川地要清湖縣故寬州壘左可致河

東之粟右可固延安之勢亦要地也一步崖即宋韓蘄王故里米脂縣爲延

榆唼唼城西北四十里黃嶺山有流賊李自成父守忠墓址榆林縣故榆林府

治即漢榆谿塞爲邊陲衝要全陝藩籬北邊之重鎮也紅山即紅山峽亦曰紅石峽又曰紅山市明隆慶五年與套夷互市於此邊牆俗名長城明俄化八年余子俊創築東起清水營西抵花馬池延袤千二百餘里皆鑿崖築牆掘塹其下連續不絕每二十里置敵臺烽堠爲巡警之所迄今故址猶存非秦時之長城

自延安東南走宜川韓城

膚施縣東南行四十里至泥灣兒五十里至瑤台五十里至臨眞鎮三十五里至雲巖鎮（東北至延長縣九十里）五十五里至平路堡三十里至宜川縣三十里至高家灣三十里至圪台鎮四十里至神道鎮八十里至薛峯鎮四十里至韓城縣

（注）臨眞鎮在甘泉縣東一百二十里故臨眞縣治元廢今故城尙存與瑤台均係關隘神道鎮在韓城縣西北一百二十里寇盜多出沒於此清代爲駐防地

自延安西北走安塞靖邊至寧條梁

膚施縣西行十里至狄青寨二十里至石密兒十里至安塞縣（東北至安定縣一百四十里）西行三十里至大石門十里至招安故城五十里至界牌灣三十里至蘭林驛三十里至新集兒（西至保安縣三十里又西南至安化縣三百七十里）西北行三十里至張家渠三十里至杏子城四十里至牛頭坡二十里至枸杷廟三十里至酸茨溝三十里至靖邊縣又出邊牆一百二十里至寧條梁鎮

（注）靖邊縣古夏州元喇城也俗呼曰新城堡爲延安門戶要害之區 寧條梁孤懸塞外抗衡沙漠爲陝北藩籬邊疆之雄鎮

自榆林東北抵山西河曲

出榆林東門黃沙無際東北行三十里至常樂堡二十里出邊牆行草地中又二十里至段橋店四十里至禿女子溝三十里過禿

尾河至高家堡（古名飛鵝川）入山沿溪行十五里至洞兒川三十里至柏林堡二十七里至解家堡三十里上高磧循沙徑臨深澗涉屈野河至神木縣五十里至永興堡（在山上）登峻嶺行四十里至鎮羌堡涉九股水四十里至孤山堡（背山俯川）二十里至石嘴鋪二十里至府谷縣東北山行路甚逼窄五十里至溫家峁三十里至清水營堡十五里至黃甫川堡又東北四十里至大纏口渡黃河入山西河曲縣界

（注）秃尾河一名壽尾又名吐瀆發源口外滾保兒坨子 神木縣南山峭立一

水中流形勢稱勝 府谷縣城盤山上逼臨黃河東南與山西保德縣隔河相望

大纏口渡即漢君子津與山西河曲縣東西相對河面約寬三里 按黃河自

山西河曲南至永濟一千五百里俱鄰陝西河道最狹而於神木渡河爲尤易故

明末流賊出入秦晉間者多取道於此

自榆林西走甘肅寧夏

出榆林西門行三十里至界牌嶺三十里至平夷鋪行黃沙中十里至十里梁八里至沙河上沙磧行十七里過無定河至波羅堡二十里至三捷關（即斬賊關）二十里至橫山縣三十里至劉家峁三十里至鹽溝三十里至黑河子四十里至石渡口三十里至丟哥子井三十里至沙頭塘三十里至紅柳灘三十里至寧條梁鎮十里至界牌子莊二十里至四十里鋪四十里至舊安邊堡二十五里至陡溝子二十五里至磚井堡二十里至元墩子二十里至定邊縣（南行九十里至羊圈山九十里至打虎店八十里至五個掌又西南入甘肅環縣境）西北行二十里至鹽場堡四十里至鹽池縣三十里至高平堡三十里至永興堡三十里至興武營（西行七十里至磁窑堡七十里至靈武縣）西北行三十里

至毛卜刺三十五里至清水營四十里至紅山堡三十里至橫城堡又西三里過黃河又西北四十里至寧夏縣（故寧夏府治）

（注）橫山縣故懷遠縣治今山在縣南少東一百里俗名火石山 舊安邊堡在定邊縣東九十里明天順二年套夷入寇大同總兵石彪往禦之大敗賊衆於此

鹽池縣即古鹽州本西秦牧地故又名花馬池爲平固門戶環慶咽喉定邊羽翼平沙漠衍四通八達之區明置寧夏後衛於此以防北患 紅山堡在靈武縣

東北六十里極衝要害之地

自鄜州西走甘肅慶陽

鄜縣西行六十里至張村驛四十里至直羅關（漢直羅縣地）二十五里至黑水寺十里至隆益驛十五里至王家角四十里至太白鎮七十里至建水鎮六十里至合水縣七十里至安化縣（故慶陽府治）

自三原西北走甘肅正寧

三原縣西行二十里至雲陽鎮（在涇陽縣北二十里）三十里至冷谷鎮俗名口子頭二十里至聖人橋十里至石橋二十里至太店十里至淳化縣二十里至通潤鎮經通深溝七里川（即姜嫄河）共五十里至姜嫄鋪十里至土橋鎮四十里栒邑縣（故三水縣）二十里至太羽鎮三十里至底廟鎮又三十里至甘肅正寧縣自栒邑縣西南行二十里至張洪鎮十五里至百子村十五里至水北渡涇河十里至邠縣

自邠州西北走慶陽抵寧夏

邠縣西行十里至水簾洞北渡涇河三十里至白吉鎮（即北極鎮）三十里至政平鎮三十里至早社鎮（即早勝鎮）三十里至寧縣（故寧州治）三十里至南義井鎮三十里至吉嶮鎮三十里

至西華池三十里至板橋鎮三十里至安化縣八十里至馬嶺鎮四十里至曲子鎮四十五里至木鉢村四十五里至環縣六十五里至清平驛六十里至山城堡九十里至萌城堡五十里至隰寧堡四十里至惠安堡十里至鹽池堡六十里至石溝驛四十里至大沙井五十里至靈武縣（故靈州治）二十里至夏家堡二十里至河東關二十里至臨河堡（北至橫城堡十里）西渡黃河三十里至寧夏縣

附榆林邊防

按延榆邊牆始自明成化八年都御史余子俊相度地形壘山澗谷築壘設墩屯兵戍守以控制北方東路起自黃甫川堡在府谷縣東北九十里東至黃河二十五里從灰溝營濟河直達山西偏關縣自堡而西十五里爲清水堡倚山陵北通哈喇秦當極衝之地又西三十里爲木瓜堡在府谷縣北五十里堡置山嶺又西四十里

爲孤山堡即孤圪塔營也城在山巔又西四十里爲鎮菴堡城在山原又西南四十里爲永興堡隋連谷縣唐麟州宋黑城也堡在山原以險爲固又西南五十里爲神木縣漢光祿塞也城在平原縣西有古大松二株因名又西南四十里至大柏油堡城在山巔水環於外又南四十里爲柏林堡又西南四十五里爲高家堡宋之飛鵝山也堡在平原又西四十里爲建安堡漢之圍陽縣也城在山畔又西四十里爲雙山堡唐之真鄉縣也城在山岡有險可守爲北門鎖鑰榆林東路止此又西四十里爲常樂堡漢之榆谿也又西四十里爲紅山市土城陶宋而居南行十里即榆林縣榆林舊塞也城東依駝山西與榆谿故榆林亦謂之駝城又西南二十里爲保寧堡古梁城也扼魚河歸德大川之衝又西南四十里爲響水堡又西五十里爲波羅堡依山臨河邊外沙高於牆又西南四十里爲懷遠堡今改橫山縣即白家梁也梁在山巔山下爲無定河又西四十里爲威武堡即響鈴塔也牛心東峙赤水西繞依山相險堡南十里即狄青原爲武襄駐兵處又西四十里爲清平堡漢之白土縣也榆林中路止此又西四十里爲龍州城漢龍州宋夏州石堡寨也堡在平地不若弱水港之險又西四十里爲鎮靖堡即白塔灣又名白灘兒故靖邊縣治又西南四十里

爲鎮羅堡即鎮魯堡又西南四十里爲靖邊縣宋夏州兀喇城也又西四十五里爲寧塞堡古栲栳城也又西北四十里爲柳樹澗堡明末流賊張獻忠生於此又西北四十里爲舊安邊堡即石彪轉戰成功立威之地又西五十里爲磚井堡依山臨塹有險可守又西四十里爲定邊縣又西北二十里爲鹽場堡城北有花馬大鹽池每歲產鹽約八百萬斤行銷頗廣榆林西路止此統計沿邊築堡三十櫺亘一千二百餘里名曰榆林邊亦曰延綏邊又謂之延榆邊當時設總兵官一員協二員東協駐神木西協駐定邊總兵駐榆林居中節制屹然爲一雄鎮迨愛心覺羅氏入主中夏北患爲之少息方今國步艱難列強耽耽危急宜早固門庭以杜他日狡焉啓疆之心今附記於此備資參考

民國十五年四月出版

定價大洋二角正

有著作權

編輯者

馬渥天

校閱者

孫蘊生
張仁齋

印刷處

陝西印刷局

寄售處

西安華西書局

#6

713231

0.30